



## Publicaziuns dalla vischnaunca, jamna 26

### Damondas da baghegiar

#### 2024-1053.000

**Datum dalla publicaziun: 28-6-2024**

Patrun: Silvio Candinas,  
Via Dulezi 12, 7180 Disentis/Mustér  
Representant: Silvio Candinas,  
Via Dulezi 12, 7180 Disentis/Mustér  
Intenziun: Plantar ina seiv viva dad 1.6 entochen  
1.8 m altezia  
Parcella: 628  
Adressa: Via Dulezi 12, 7180 Disentis/Mustér  
Zona: Zona da habitar H2  
Zona da prighel: Negina zona da prighel

#### 2024-1052.000

**Datum dalla publicaziun: 28-6-2024**

Patrun: Catrina Experience,  
Via Acletta 2, 7180 Disentis/Mustér  
Representant: ipz ingenieure + planer ag,  
Via Sursilvana 11, 7180 Disentis/Mustér  
Intenziun: Construcziun d'in mir da cunfin per  
liung dalla parcella 1332  
Parcella: 1332  
Adressa: Via Acletta 5G, 7180 Disentis/Mustér  
Zona: Zona speciala Catrina  
Zona da prighel: Negina zona da prighel  
Plan da quartier: Plan d'areal Catrina  
Plan d'areal Acla da Fontauna

### Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

#### Nr. 2024-2051.000

Roman Monn, Via Sursilvana 6, 7180 Disentis/Mustér; remplazzament dallas aissas dalla fatschada vest, parcella 3581, Caischavedra Dado, 7182 Cavardiras

#### Nr. 2024-2055.000

Garascha Coray SA, Via Sursilvana 1, 7180 Disentis/Mustér; sanaziun dalla cuvrida avon garascha, parcella 918, Via Sursilvana 1, 7180 Disentis/Mustér



**Nr. 2024-2058.000**

Markus Waller, Freienwilerstrasse 21, 5420 Ehrendingen; construcziun d'ina suosta sur esch-nuegl, parcella 3984, Muot, 7186 Segnas

**Nr. 2024-2059.000**

Beat Levy, Via Gonda 16, 7180 Disentis/Mustér; renovaziun dalla seiv, parcella 670, Via Sogn Gions, 7180 Disentis/Mustér

**Nr. 2024-2061.000**

Remo Vogt, Via Crestas 20, 7183 Mumpé Medel; modificaziun dil terren, parcella 2422, Prau Su, 7183 Mumpé Medel

**Nr. 2024-2062.000**

STWEG Parz. 682, Margaretha Huonder-Casutt, Via Alpsu 21, 7180 Disentis/Mustér; sanaziun dalla canalizaziun dalla casa, parcella 682, Via Alpsu 21, 7180 Disentis/Mustér

*Uffeci da baghegiar Disentis/Mustér*

---

**Cussegl da vischnaunca -  
Rapport dalla seduta diils 20 da zercladur 2024**

**Ina secunda lecziun per la transformaziun dallas structuras communalas**

*Gievgia, ils 20 da zercladur 2024 ha giu liug el Center Fontauna la 33avla seduta dil cussegl da vischnaunca dalla perioda d'uffeci 2021/2024. El center dalla seduta ein stadas la transformaziun dallas structuras communalas e l'iniziativa pil scamond da fiugs artificialis. Plinavon ha il cussegl da vischnaunca priu enconuschientscha dil plan da finanzas 2024-2033.*

Il cussegl da vischnaunca ha la gievgia sera sut l'egida dil president dil cussegl da vischnaunca **Ignaz Venzin** debattau intensivamein davart la transformaziun dallas structuras communalas. Il sistem da direcziun duei vegnir remplazzaus entras il sistem departamental. Entras la midada duei plinavon la cumissiun da baghegiar survegnir sper la cussegliazion era la competenza da decider davart las damondas da baghegiar. Entras quellas midadas vegnan las structuras egl avegnir pli modernas, agilas ed efficientas. Plinavon duein el futura las vias da decisiun vegnir pli semplas, nuncumplacadas e speditivas. Sedutas internas che caschunan lavur e burocracia buca necessaria duein vegnir evitadas. Entginas damondas ein aunc aviartas. Perquei ha il cussegl da vischnaunca decidiu da schar informar a caschun d'ina sera d'informaziun pli detagliadamein davart la restructuraziun ed il niev model departamental e tractar vinavon quella fatschenta en ina secunda lecziun che ha liug ils 13 da settember 2024.

Il cussegl da vischnaunca ha ulteriuramein approbau la revisiun parziala dalla lescha davart ils dis da ruas publics ch'ei stada proponida en connex cun l'iniziativa per in scamond da fiugs artificialis. La lescha ei vegnida completada cul niev artechel 7 che pretenda ch'ei seigi per motivs dil schurmetg digl ambient e dils animals duront igl entir onn e sigl entir intschess dalla vischnaunca scumandau da barschar fiugs artificialis che caschunan canera (rachetas etc.). Fiugs artificialis sco sbrenzlas ni vulcans restan lubi. Quella cunterproposta dalla suprastanza communal e vegnida proponida al cussegl da vischnaunca en concordanza cun ils responsables dall'iniziativa. La decisiun dil cussegl da vischnaunca vegn conform agl artechel 21 lit. b dalla constituziun communal aunc suttamess al referendum facultativ.

Plinavon ha il cussegl da vischnaunca priu enconuschientscha dil plan da finanzas. Cunzun la sanaziun ed engrondaziun dalla serenera ei il proxim grond project che vegn a fatschentar la vischnaunca da Mustér. Cul plan da finanzas vegn garantiu ina planisaziun da finanzas sauna e segira. A caschun dalla seduta ei plinavon vegniu inoltrau ina moziun che pretenda da suttametter ina revisiun parziala dalla constituziun communal cun la finamira da reponderar il status dalla cumissiun da gestiun. La risposta e tractaziun dalla moziun ha tenor art. 41 dil regulativ da fatschentas da succeder enteifer miez onn.



### Referendum facultativ

A caschun da sia seduta dils 20 da zercladur 2024 ha il cussegl da vischnaunca approbau cun 9 encunter 3 vuschs (2 abstenziuns) la revisiun parziala dalla lescha davart ils dis da ruaus publics.

Conform ad art. 21 lit. b dalla constituziun communala ei quei conclus suttamess al referendum facultativ. Il messadi sco era la lescha davart ils dis da ruaus publics revedida ein exponi per investa en casa communala (stanza nr. 10).

Enteifer 20 dis dapi la publicaziun officiala han 80 votantas e votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communala

---

### Temps da vacanzas - Ein ils documents da viadi aunc valeivels?

Tgi che planisescha da passentar vacanzas egl exteriur, vegn supplicaus d'examinar ad uras ils documents daviadi. Per l'emissiun dils documents sto vegnir quintau cun in temps da spetga d'entochen 10 dis. Nus appellein da far quella controlla, buca che las vacanzas entscheivien cun dagrettas.

Per ulteriur sclariment stat il persunal dall'administraziun communala bugen a Vossa disposiziun.

Administraziun communala

---

### Crusch Cotschna enquera personas voluntaras

Per il center da transit Bellavista a Mustér enquera la Crusch Cotschna Svizra Grischun per il project connect personas voluntaras. Encuretq vegnan personas ch'ei aviatas per damondas da personas fugitivas, che vulan passentar comunablamein temps, mussar tudestg, dar giugs ni interprender activitads sportivas. Personas interessadas san s'annunziar tier la Crusch Cotschna Svizra Grischun sut 081 258 45 77 ni [connect@srk-gr.ch](mailto:connect@srk-gr.ch).

Für das Transitzentrum Bellavista in Disentis/Mustér sucht das Schweizerische Rote Kreuz (SRK) Graubünden Freiwillige für das Projekt connect. Gesucht sind Menschen, die offen für die Anliegen geflüchteter Menschen sind, die Zeit mit ihnen verbringen möchten, Deutsch lernen, spielen oder sportliche Aktivitäten unternehmen. Interessierte melden sich bitte direkt beim SRK Graubünden unter 081 258 45 77 oder [connect@srk-gr.ch](mailto:connect@srk-gr.ch).

Crusch Cotschna Svizra Grischun

---

### Uniun la pendentia

#### Senda da viandar Cufions – Ragisch – Mumpé Medel puspei aviert

Las lavurs da construcziun el trutg a Ragisch per la pendentia ein terminadas. Naven da sonda, ils 21 da zercladur 2024 ei la via da viandar dalla punt Cufions tochen Mumpé Medel puspei accessibla. La supras-tonza dall'uniun engrazia per la pacienza ed igl interess. Ils 3 da fenadur vegn purschiu ina excursiun allas lavurs actualas per mirar las sugas e las lavurs da fier per sponsurs e commembers.

Dapli informaziuns anfleis vus sin nossa pagina d'internet: [www.pendentia.ch](http://www.pendentia.ch)

#### Wanderwege Cufions–Ragisch–Mumpé Medel wieder offen

Die Bauarbeiten für das Widerlager im Wanderweg Ragisch für die la pendentia sind abgeschlossen. Ab Samstag, den 21. Juni 2024 ist der Wanderweg von der Brücke Cufions nach Mumpé-Medel wieder begehbar. Der Vereinsvorstand dankt für die Geduld und das Interesse. Am 3. Juli wird ein Ausflug zu den aktuellen Arbeiten am Seil und den Brückenteilen für Sponsoren und Mitglieder angeboten.



GEMEINDE/VISCHNAUNCA  
DISENTIS/MUSTÉR  
7180 DISENTIS/MUSTÉR

Publicaziuns officialas

Mehr Informationen findet ihr auf unsere Internetseite :  
[www.pendenta.ch](http://www.pendenta.ch)